



## SAKSPAPIR

| Saksnr  | Utval                               | Type | Dato       |
|---------|-------------------------------------|------|------------|
| 15/2015 | Formannskap/plan- og økonomiutvalet | PS   | 09.03.2015 |

| Sakshandsamar   | Arkiv              | ArkivsakID |
|-----------------|--------------------|------------|
| Tore Henrik Øye | FE - 242, FA - K00 | 15/93      |

### TILDELING AV FONDSMIDLAR TIL OPPARBEIDING AV PARKERINGSPLASS PÅ GBNR 71/1, SMÅBREKKE I BERGSDALEN

#### Vedlegg:

Søknad om opparbeiding av parkeringsplass på Småbrekke  
Vedtekter Vaksdal kommune sitt fond for vilt, fiske og friluftsliv

#### Rådmannen sitt framlegg til vedtak:

Formannskapet i Vaksdal kommune løyver inntil kr 20 000,- og maksimalt 20 % av dokumenterte utgifter i tilskot til grunneigar Per Småbrekke, gnr. 71, bnr. 1, til opparbeiding av parkeringsplass for 10 bilar ved Småbrekke i Bergsdalen. Parkeringsplassen skal nyttast som utgangspunkt for friluftsliv i området langs Militærvegen og innover mot turhytta Gullhorgabu.

Midlane skal takast frå Vaksdal kommune sitt fond for vilt, fiske og friluftsliv, med formannskapet som fondsstyre. Vedtaket er heimla i §§ 2 og 5 i fondsvedtektene.

Tilskotet vert betalt ut etterskotsvis, når sluttrapport med naudsynt dokumentasjon ligg føre (faktura, bilete, m.m).

Arbeidsfristen for tiltaket er sett til januar 2018. Etter dette vert tilskotet trekt tilbake, med mindre det blir søkt om utsett arbeidsfrist i inntil eitt år.

#### VILKÅR:

- Grunneigar må eventuelt innhente naudsynte løyve frå Statens vegvesen og andre offentlege instansar før tiltaket vert starta opp.
- Arbeidet må ikkje skade eller forringe den gamle fylkesvegen som ligg like inntil tiltaket.

#### Formannskap/plan- og økonomiutvalet - Sak 15/2015

#### FPØ - Behandling:

Samrøystes.

## **FPØ - Tilråding/Vedtak:**

Formannskapet i Vaksdal kommune løyver inntil kr 20 000,- og maksimalt 20 % av dokumenterte utgifter i tilskot til grunneigar Per Småbrekke, gnr. 71, bnr. 1, til opparbeiding av parkeringsplass for 10 bilar ved Småbrekke i Bergsdalen. Parkeringsplassen skal nyttast som utgangspunkt for friluftsliv i området langs Militærvegen og innover mot turhytta Gullhorgabu.

Midlane skal takast frå Vaksdal kommune sitt fond for vilt, fiske og friluftsliv, med formannskapet som fondsstyre. Vedtaket er heimla i §§ 2 og 5 i fondsvedtektene.

Tilskotet vert betalt ut etterskotsvis, når sluttrapport med naudsynt dokumentasjon ligg føre (faktura, bilete, m.m).

Arbeidsfristen for tiltaket er sett til januar 2018. Etter dette vert tilskotet trekt tilbake, med mindre det blir søkt om utsett arbeidsfrist i inntil eitt år.

### **VILKÅR:**

- Grunneigar må eventuelt innhente naudsynte løyve frå Statens vegvesen og andre offentlege instansar før tiltaket vert starta opp.
- Arbeidet må ikkje skade eller forringe den gamle fylkesvegen som ligg like inntil tiltaket.

## **Saksopplysningar:**

### **Bakgrunn**

Per Småbrekke, grunneigar av gnr. 71, bnr. 1, har søkt «Vaksdal kommune sitt fond for vilt, fiske og friluftsliv» om kr 20 000,- i delfinansiering til opparbeiding av parkeringsplass for 10 bilar langs Fv. 314 på Småbrekke.

Føremålet med tiltaket er å leggje til rette for ordna parkeringstilhøve i samband med fjellturar frå Småbrekke, som generelt sett er eit mykje nytta utgangspunkt. Dette gjer at fjellområdet har stor verdi som rekreasjonsområde, lokalt og regionalt.

Søklar skriv at biltrafikken og ferdsla til fjells har auka mykje etter at Gullhorgabu, Bergen og Hordaland Turlag si nye hytte, opna i juni 2014. Det første halvåret var om lag 700 turgåarar innom hytta. I tillegg kjem dei som ikkje har Gullhorgabu som turmål. Denne utfarten førde til at opp mot

40 bilar stod langs vegen om helgane, førre sommar. Dette gav nokre utfordringar for gardsdrifta, mellom anna ved at parkeringa stundom stengde inne driftsutstyr som står på søklar sin grunn. Elles gjev ei slik parkering meir uoversiktlege trafikkforhold, og aukar sjansen for farlege situasjonar.

For å betre tilhøva, ønskjer grunneigar å lage ein 250 m<sup>2</sup> stor parkeringsplass for 10 bilar på sin grunn, aust for fylkesvegen, like ovanfor innkøyringa mot Militærvegen. Grunneigar har hatt synfaring med Statens vegvesen og Vaksdal kommune om lokaliseringa.

Bygginga er budsjetttert til kr 98 500,-, med eigne midlar og tilskot utanfrå som finansieringsgrunnlag.

Bruken av midlar frå omsøkt fond, vert styrt av fondsvedtektene. I høve til §§ 2 og 5, må tildelinga vere i tråd med fondsføremåla, samstundes som midlane vert knytt til lokal nytte, med verdi for ålmenta.

Tiltaksområdet er teke inn som framtidig parkeringsplass i gjeldande kommuneplan for Vaksdal kommune.

## **Vurdering**

Tilrettelegging for friluftsliv er eitt av føremåla med fondet som det er søkt om midlar frå. I dette høve tenkjer ein i første rekkje på tiltak som fremjar det konkrete og utøvande friluftslivet, anten i form av informasjonsretta verksemd eller direkte tiltak i tur- og aktivitetsområdet.

I utgangspunktet vert difor det omsøkte gjeremålet vurdert til å liggje utanfor prioriterte tiltak, og det vil normalt ikkje vere naturleg å gje tilskot til opparbeiding av parkeringsplassar.

Derimot vert tiltaket på Småbrekke sett på som så spesielt og nyttig, at det vil vere grunnlag for å løyve midlar til parkeringsplassen, som eit unntak. Tilgang på offentlig transport til Bergdalen er svært avgrensa, noko som vanlegvis føreset bruk av eigen bil. Parkeringsplassen vil såleis betre parkeringstilhøva monaleg, og kome mange turgåarar frå kommunen til gode, i tillegg til dei som kjem utanfrå. Det kan òg nemnast at mange barnefamiliar nyttar fjellområdet ved Småbrekke.

Vaksdal kommune er med på å marknadsføre Bergsdalsfjella som turområde. Som «vertskommune» har vi difor ansvar for å medverke til god tilrettelegging for friluftsliv. Rådmannen ser såleis på initiativet frå grunneigar som prisverdig, og finn rom for å prioritere omsøkt tiltak innafor fondsvedtektene og tilgjengelege fondsmidlar.

Rådmannen ser på budsjettert beløp (kr 95 500,-) som øvre grense for godkjende kostnader og finansieringsgrunnlag.

Det er viktig at opparbeidinga og utforminga av parkeringsplassen tek omsyn til natur- og kulturmiljøet i området.

## **Konklusjon**

Søknaden om tilskot til opparbeiding av parkeringsplass ved Småbrekke er innafor føremålet med Vaksdal kommune sitt fond for vilt, fiske og friluftsliv. Søknaden vert prioritert med tildeling av midlar.